



Kaykwawy aen ki kishkayhtamin nawnduw ouschi ooma COVID-19 cheestahoukaywin pour Canada

*Aen atouskatamahk ka paytawyahk Aen zhawnd Canada pat dawnzhee akwa kaw-atoushkaymakuhk
COVID-19 cheestahoukaywin*

Cheestahoukaywiwin aykwawnima payek kaykwawy kaw-atoushkaymakuhk aen nakinam ooma ka mishowayitaymaka akwa ashaynam ooma ayimiihiwewin ouschi ka-awshoohkamatoohk awhkousiwin, keeshpin aywawnima sezoon li floo keemaa kaw-apisheeshihk etamahchihouwin. Pat dawnzhee akwa kaw-atoushkaymakuhk cheestahoukaywin(a) pour COVID-19 ka kanawayimikoonaw pakwatem ooma novel coronavirus akwa meena aenportaan aen paw ishi pat dawnzhee keehtwawn kamawchihtahk kwayesh pimawtishiwin didawn Canada akwa wawshakawmihk la tayr. Li Gouvarnimaw ouschi Canada atouskatam kuhkiyuw si posib en bon min ishi aen kenawayhchikatayk kawshchitiniyayk ishi pat dawnzhee akwa kaw-atoushkaymakuhk cheestahoukaywina akwa nayikoohk ka oustinamawkayk pour Aen zhawnd Canada. Outa ooma kaykwawy Aen zhawnd Canada saprawn chi kishkayhtahk nawnduw ouschi li tawn ki vyaen COVID-19 cheestahoukaywin.



Cheestahoukaywina pikou aykwawnihi pat dawnzhee akwa kaw-atoushkaymakuhk ka ki awpatun pour awpachistawin didawn Canada. Canada e nishtawiniwayhk wawshakawmihk la tayr pour soo il i hoo aen standard pour [la michinn akwa cheestahoukaywin keestwawm igzaminee](#), [kawmaykihk](#) akwa [pishishkichikewin](#) aen system; oohin namoo wiya aen compromised. Li Gouvarnimaw ouschi Canada ki kashkistamawshouwak poor vray-li taan pihtikwaywin ishi li manufacturer li michinn ouschi ka koochiik wiihtamakaywin pour ooma nawut mischet ta promes cheestahoukaywin chi koochiikwak, akwa aen atoushkaywak avek li tayr aen regulatory a lawntour aen kayshchinahoo COVID-19 cheestahoukaywina aykwanihi pat dawnzhee akwa kaw-atoushkaymakuhk avaan regularity kawmaykihk aen miyihk.



Cheestahoukaywin aen aashtew ishi kuhkiyuw. Akouz ouschi unprecedented li tayr laarzhaan weechihiwaywin akwa nishookamakaywin, ayiwaak 150 cheestahoukaywin chi koochiikwak aen natoonikewinak wawshakawmihk la tayr maykwaat. Li Gouvarnimaw ouschi Canada aen [atawwayw didawn oushchikatayw-didawn-Canada natounikaywin akwa awshay ki atawwayw awn navawn aen agreement](#) ouschi mischetinwa sawn aen milyoon aen ikouhk ouschi nawut mischet ta promes cheestahoukaywin chi koochiikwak, ouschi wawshakawmihk la tayr. Aykwawnima aen miyikawshou Aen zhawnd Canada pihtikwaywin ishi pat dawnzhee akwa kaw-atoushkaymakuhk cheestahoukaywina weeput ishpi paree. Namoo kuhkiyuw cheestahoukaywina aen i va pawsee pooyouwin, aywawnima ouschi ka atawwayahk wiput iyikohk pour ooma nawut mischet ta promes cheestahoukaywin chi koochiikwak. Li public la saantii Canada ka ishi waapahtahk [kanawaapchikewin akwa kawmaykihk](#) COVID-19 cheestahoukaywina vif si posib, maykwawt kishchinahou aen ki miyou-ashtawniwun akwa pat dawnzhee.





Akouz apishish iyikohk niikan, ishpii cheestahoukaywin pakitinikatayw pour awpachistawin, aenportaan li moond ka ki niikanihtakooshou. Aen pakooshaymoyahk ayowiyak apishish iyikohk apisheesh li milyoon ikouhk weepat en simenn akwa mwawn ishpee pakitinikatayw Li public la saantii Canada ouschi cheestahoukaywin(a) pour awpachistawin didawn Canada. Aywawnima iywayhk li gouvarnimaw aen atoushkatamahk mamawii akwa ahkaami natoanam weestamakaywin ouschi independent nakaatchihtowin, tapishkoot [Misiweeshkamik Weestamakaywin en Bawnd ouschi cheestahoukaywin](#) (NACI), aen oushistaw disidee nawnduw ouschi iyikohk ayndawayishchikatek cheestahoukaywiwin. Aykwawnima pakitinam ishi kiyanawan aen oushistahk nawut ka moushtawchik wiyawow ishi ka kenawayhchikayt ishpow-en risk li moond akwa aywawniki ka weechihwaychik ishi en malajee kaw-awshoupayik, la saasyitii akwa manawchischikaywin ka pimbahtaahk. Ishpi iyikohk ouschi cheestahoukaywin(a) ihtakwun, ooma cheestahoukaywiwin paaminikaywin aen mishawpayin.



Aen oushichikatayk shihpineewin nawut kinwaysh. Payek iyikohk cheestahoukaywin mawshkoot namou akouyikouhk aen miyikiw li moond aen kanawayimishoowin. Ahpoo itikway ki ayayin keestwawm iyikohk aen pakinikashooyin toon li korr aen oushistat naahiyikoohk shihpineewin. Namoo wiya kiiyapitch e kishkayhtamahk kaykwawy aen ishchikatayk ouschi shihpineewin didawn li moond kiishpin akouyikouhk ishi aen kiishihta [a lawntour shihpineewin](#). Zheusk li tawn, Aen zhawnd Canada ki ahkaami kanaatichihchee, [ayapi ki-mayzoon](#) ka awhkousheeyin, kakashkistawk [aen sipaarii ka kanwayimishook](#), [poshtishkamiin enn mask di malaahjii ishpi nahiyikoohk](#), akwa ahkamaymou [ohtstoota](#) akwa [aapachihchikanisa](#) kanaachihtaa.



COVID-19 cheestahoukaywina aywawnima pour aryaen. Ishpi kiyawpit nawut cheestahoukaywina oushichikatayw akwa miyikowak, aen pakoshayimooyahk tamikiyahk pour aryaen cheestahoukaywiwin ishi kahkiyuw aen zhawnd Canada ka aen dawayihtumin. E kishkayhtamahk aen weekiyahk didawn aen tayr a lawntour, a baen ka ahkamaymouwnan aen kayshchinahouyahk [baw nawut akwa li miljeu-ikouhk larzhawn ka-oushtahk manawchischikaywin wawshakawmihk la tayr aen ayowak pihtikwaywin](#) ishi pat dawnzhee akwa kaw-atoushkaymakuhk COVID-19 cheestahoukaywin(a). Zheusk atawn kuhkiyuw kiyanan kanawayimishoonaw, kuhkiyuw kiyanan en risk ouschi kiitwaam awhkoushiwin ouschi COVID-19.



Cheestahoukaywiwin aykwawnima nawashoonikewin ka ki oushihtayin aen kanawayimishoowin, toon famee akwa a lawntour. Cheestahoukaywiwin aywawnima [wiya ikou nawashoonikewin](#) akwa meena mischet li moond ouschi Aen zhawnd Canada paray itayhtem apaar ouschi miyou eshitamahchihouhk akwa aenportaan pour kipihtinikewin ouschi enn siirieu awhkousiwin.



Ka ahkamaymouwnan aen atoushkatamahk avek Aen zhawnd Canada akwa aen kishkayhtamtim kaykwuy. Kaykwuy aen zhoor ka ki mayshkouchipayin, akwa meena kiyanan aen ishi nakishkama. Kiyanan aen ashpayimouyahk Canada mitouni kwayask-oushchikatayw li public la saantii aen system, aen nakaatchihtowin akwa kishkaystemowin ouschi natoonikewina, la saantii nakachitawin, aen industry, a lawntour neekwaneewak akwa Lii Pramyii Nawsyoon nishitouhtamowin aen kishinahumakooyahk shapoo ooma aen wayaezh meena aen paytaw Aen zhawnd Canada a pat dawnzhee akwa kaw-atoushkaymakuhk COVID-19 cheestahoukaywin. Ka ki wawpastayn ishi aen kee-oukayhk Canada.ca/coronavirus akwa ashpayimouhk [tawpwaystamowin aen source](#) ouschi weehtamawkaywin.